



韋蘇州集卷第五

蘇州刺史韋應物

酬荅

期盧嵩枉書稱日暮無馬不赴以詩荅
佳期不可失終願在衡門南陌人猶度西林日
未昏庭前空倚杖花裏獨留罇莫道無來駕知
君有短轅

任洛陽丞荅前長安田少府問

相逢且對酒相問欲何如數歲猶畀吏家人笑
著書告歸應一作未得榮官又知踈日日生春



草空今憶舊居

假中枉盧二十二書亦稱卧疾兼訝李

二久不訪問以詩荅書因亦戲李二

微官何事勞趨走服藥閑眠養不才花裏碁盤
憎鳥汗枕邊書卷訝風開故人問訊綠同病芳
月相思阻一盃應笑玉戎成俗物遥持塵尾獨
徘徊

訓盧嵩秋夜見寄五韻

喬木生夜涼月華滿前墀去君咫尺地勞君千

里一作萬思素秉棲遁志况貽招隱詩坐見林木

榮

一云坐損
經濟策

願赴滄洲期何能待歲晏携手當

此時

盧詩云歲晏
以為期之句

訓鄭戶曹驪山感懷

蒼山何鬱盤飛閣凌上清先帝昔好道下元朝
百靈白雲已蕭條麋鹿但縱橫泉水今尚暖舊
林亦青青我念綺襦歲扈從當太平小臣職前
驅馳道出灞亭翻翻日月旗殷殷鼙鼓聲萬馬
自騰驤八駿案轡行日出煙嶠綠氛氳麗層甍
登臨起遐想沐浴懽聖情朝燕詠無事時豐賀
國禎日和絃管音下使萬室聽海內湊朝貢賢

愚共歡榮合香車馬喧西聞長安城事往世如
寄感深迹所經申章報蘭藻一望雙涕零

荅李泚三首

孤客逢春暮緘情寄舊遊海隅人使遠書到洛
陽秋

馬卿猶有壁漁父自無家想子今何處扁舟隱
荻花

林中觀易罷溪上對鷗閑楚俗饒辭客何人最
往還

酬柳郎中春日歸揚州南郭見別之作

廣陵三月花正開花裏逢君醉一廻南北相過
殊不遠暮潮從去早潮來

酬豆盧倉曹題庫壁見示

掾局勞才子新詩動洛川運籌知決勝聚米似
論邊宴罷常分騎長趨又比肩莫嗟年鬢改郎
署定推先

酬李儋

開門臨廣陌旭旦車駕喧不見同心友徘徊憂
且煩都城二十里居在良與坤人生所各務乖
闕累朝昏湛湛罇中酒香青芳樹園緘情未及

發先此枉璵璫邁世超一作高躅尋流得真源
明當策疲馬與子同笑言

謝元偉過洛陽夜燕

三載寄關東所懽皆遠違思懷方耿耿忽得觀
容輝親燕在良夜歡携芳闥中闡問我猶杜門不
能奮高飛明燈照四隅炎炭正可依清觴雖云
酌所媿乏珍肥晨衰復當行寥落星已稀何以
慰心曲佇子西還歸

謝韓箕舟行阻凍

晨坐枉嘉藻持此慰寒輿中獲辛苦奏長河結

陰冰皓曜群玉發淒清孤景凝一作至柔反成
堅造化安可恒方舟未得行鑿飲空兢兢苦寒
彌時節待泮豈所能何必涉廣川荒衢且升騰
殷勤宣中意庶用達吾朋

李博士弟以余罷官居同德精舍共有

伊陸名山之期久而未去枉詩見問
中云宋生昔登覽末云那能顧蓬

直寄鄙懷聊以爲荅

初夏息衆綠雙林對禪客枉茲芳蘭藻促我幽
人策冥搜企前哲逸句陳往迹鬢髮陸渾南迢

遞千峯碧從來遲高駕自顧無物役山水心所
娛如何更朝夕晨興涉清洛訪子高陽宅莫言
往來踈駑馬知阡陌

寄訓李博士永寧主簿叔廳見待

解鞍先幾日款曲見新詩定向公堂醉遙憐獨
去時葉露寒雨落鍾度遠山遲晨策已云整當
同林下期

荅令狐士曹獨孤兵曹聯騎暮歸望山

見寄

共愛青山住近南行牽吏役背雙驂柱書獨宿

對流水遙羨歸時滿夕嵐

荅李博士

休沐去人遠高齋出林杪晴山多碧峯顚氣疑
秋曉端居喜良友枉使千里路緘書當夏時開
緘時已度簷鷄已颺颺荷露方蕭颯夢遠竹窻
幽行稀蘭徑合舊君共南北往來只如昨問君
今爲誰日夕度清洛

荅劉西曹

時爲京兆功曹

公館夜云寂微涼群樹秋西曹得時彥華月共
淹留長嘯舉清觴志氣誰與儔千齡事雖邈俯

念忽已周篇翰如雲興京洛頗優遊詮文不獨
古理妙即同流淺劣見推許恐為識者尤空慙
文璧贈日夕不能酬夕一作交

荅貢士黎逢時任京兆功曹

茂等一作方上達諸生安可希栖神澹物表渙

汗布令詞如彼崑山玉本自有光輝鄙人徒區

區稱嘆亦何為彌月曠不接公門但一作驅馳

蘭章忽有贈持用慰所思不見心尚密一作密况

當相見時

荅韓庫部協

良玉表貞度麗藻頗為工名列金閨籍心與素
士同日晏下朝來車馬自生風清宵有佳興皓
月直南宮矯翻方上征顧我邈忡忡豈不願攀
舉執事府庭中智乖時亦蹇才大命有一作通
還當以道推解組守蒿蓬

荅崔主簿倬

朗月分林靄遙管動離聲故驩良已阻空宇澹

無情窈窕雲鴈沒蒼茫河漢橫蘭章不可荅冲

襟徒自盈

荅徐秀才

鈇鈍謝貞器時秀猥見稱豈如白玉仙一作仙山鶴
方與紫霞升清詩舞艷雪孤抱瑩玄冰一枝非
所貴懷書思且一作武陵且云懷書

荅東林道士

紫閣西邊第幾峯茅齋夜雪虎行蹤遙看黛色
知何處欲出山門尋暮鍾一作欲向西山尋暮鍾

荅長寧令楊轍

皓月升林表公堂滿清輝嘉賓自遠至觴飲夜
何其宰邑視京縣歸來無寸資瓌文溢衆寶雅
正得吾師廣川含澄瀾茂一作芳樹擢華滋短才

何足數枉贈媿妍詞歡晤良見屬素懷亦已披
何意雲栖翰不嫌蓬艾卑但恐河漢沒回車首
路歧

荅馮魯秀才

晨坐枉瓊藻知子返中林澹然山景晏泉谷響
幽禽鬢髣謝塵跡逍遙舒道心顧我腰間綬端
爲華髮侵簿書勞應對篇翰曠不尋薄田失鋤
耨生苗安可任徒令慙所問想望東山岑

荅崔主簿問兼簡溫上人

緣情生衆累晚悟依道流諸境一已寂了將身

世浮閑居澹無味忽復四時周靡靡芳草積稍
稍新篁抽即此抱餘素塊然誠寡儔自適一忻
意愧蒙君子憂

清都觀谷幼遐

逍遙仙家子日夕朝玉皇興高
清露沒渴飲瓊華漿解組一
來款披衣拂天香粲然顧我
笑綠簡發新章泠泠如玉音
一作響馥馥若蘭芳浩意
坐盈此月華殊未央却念誼
譁日何由得清涼踈松抗
一作枕高殿密竹陰長廊榮名等糞土携
手隨風翔

善福精舍谷韓司錄清都觀會宴見憶
弱志厭衆紛抱素寄精廬皦皦仰時彥悶悶平聲
獨爲愚之子亦辭秩高蹤罷馳驅忽因西飛禽
贈我以瓊琚始表仙都集復言歡樂殊人生各
有因契闊不獲俱一來田野中日與人事踈水
木澄秋景逍遙清賞餘枉駕懷前諾引領豈斯
須一作須史無爲便高翔邈矣不可迂

谷長安丞裴稅

出身忝時士於世本無機爰以林壑趣遂成頑
鈍姿臨流意已淒采菊露未稀舉頭見秋山萬

事都若遺濁踐幽人蹤
邈將親友違髦士佐京
邑懷念枉貞詞
夕雨積幽抱清罇宴良知
從容操劇務文翰方見推
安能戢羽翼顧此林栖時

奉酬處士叔見示

挂纓守貧賤積雪卧郊園
叔父親降趾壺觴携
到門高齋樂燕罷清夜道
心存即此同踈氏可
以一忘言

荅庫部韓郎中

高士不羈世頗將榮辱齊
適委華冕去欲還幽
林栖雖懷承明戀
併與物累睽逍遙觀運流
誰

復識端倪而我豈高

能

一作

致偃息平門西愚者

世所遺沮溺共耕犁
風雪積深夜園田掩荒蹊

幸蒙相思札款曲期見携

荅暢校書當

偶然弃官去投跡在田中
日出照茅屋園林

一作

種養愚蒙雖云無一資
罇酌會不空且忻百穀

成仰嘆造化功出入與民伍
作事靡不同時伐

南澗竹夜還灑水東貧寒自成退
豈爲高人蹤

覽君金玉篇彩色發我容

一作

日日欲爲報方

歷

一作春已徂冬

荅崔都水

深夜竹庭雪孤燈案上書不遇無為化一作誰
復得閑居

酬令狐司錄善福精舍見贈

野寺望山雪空齋對竹林我以養愚地生君道
者心

澧上精舍荅趙氏外生伉

遠跡出塵表寓身雙樹林如何小子伉一作亦

有超世心擔書從我遊携手廣川陰雲開夏郊

綠景晏青山沉對榻遇清夜一作雅音

所推苟禮數於性道豈深隱拙在沖默經世昧
古今無為率爾言可以致華簪

荅趙氏生伉

暫與雲林別忽陪鷺鷥翔看山不得去知爾獨
相望

荅端

郊園夏雨歇閑院綠陰生職事方無効幽賞獨
違情物色坐如見離抱悵多盈況感夕涼氣聞
此亂蟬鳴

荅史館張學士段柳庶子學士集賢院

看花見寄兼呈柳學士

班揚秉文史對院自為隣餘香掩閣去遲日看
花頻似雪飄闔闔從風點近臣南宮有芳樹不
並禁垣春

荅王郎中

卧閣枉芳藻覽旨悵秋晨守郡猶羈寓無以慰
嘉賓野曠歸雲盡天清曉露新池荷涼已至窻
梧落漸頻風物殊京國邑里但荒榛賦繁屬軍
興政拙媿斯人髦士久臺閣中路一漂淪歸當
列盛朝一作明豈念卧淮濱

荅崔都水

亭亭心中人迢迢居秦關常緘素札去一作問適
枉華章還憶在灃郊時携手望秋山父嫌官府
勞初喜罷秩閑終年不事業寢食長慵頑不知
為時來一作何各籍挂郎間攝衣辭田里華簪
耀頽頽卜居又依仁日夕正追攀牧人本無術
命至苟復遷離念積歲序歸途眇山川郡齋有
佳月園林含清泉同心不在宴罇酒徒盈前覽
君陳迹游詞意俱悽妍忽忽已終日將謝不能
宣忙稅況重疊公門極熬煎責逋甘者免一作退

歲晏當歸田勿厭守窮轍守窮賤慎為名所牽

荅王卿送別

去馬嘶春草歸人立夕陽元知數日別要使兩情傷

荅裴丞說歸京所獻

執事頗勤久行去亦傷乖家貧無僮僕吏卒升寢齋衣服藏內篋藥草曝前階誰復知次第渡落且安排還期在歲晏何以慰吾懷

荅裴處士

遺民愛精舍乘犢入青山來署高陽里不遇日衣還禮賢方化俗聞風自款關況子逸群士栖息蓬蒿間

荅楊奉禮

多病守山郡自得接嘉賓不見三四日曠若十餘旬臨觴獨無味對榻已生塵一詠舟中作灑雪忽驚新煙波見棲旅景物具昭陳秋塘唯落葉野寺不逢人白事廷吏簡閑居文墨親高天池閣靜寒菊霜露頻應當整孤棹歸來展殷勤

荅端

坐憶故園人已老，寧知遠郡鴈還來。
長瞻西北是歸路，獨上城樓日幾迴。

荅僦奴重陽二甥

僦奴趙氏甥位重陽崔氏甥播

棄職曾守拙，翫幽遂忘喧。
山澗依磽壻，竹樹蔭清源。
貧居煙火濕，一作絕歲熟梨棗繁。
風雨飄茅屋，蒿草沒瓜園。
群屬相歡悅，不覺過朝昏。
有時看禾黍，落日上秋原。
飲酒任真性，揮筆肆狂言。
一朝忝蘭省，三載居遠藩。
復與諸弟子，篇翰每相敦。
西園休習射，南池對芳罇。
山藥一作茵經雨碧，海榴凌霜翻。
念尔不同此，悵然復一論。
重陽

守故家，僦子旅湘沅，俱有緘中藻。
惻惻動離魂，不知何日見，衣上淚空存。

荅重陽

省札陳往事，愴憶數年中。
一身朝北闕，家累守田農。
望山亦臨水，暇日每來同。
性情一踈散，園林多清風。
忽復隔淮海，夢想在灋東。
病來經時節，起見秋塘空。
城郭連榛嶺，鳥雀噪溝叢。
坐使驚霜鬢，撩亂已如蓬。

顧十二左遷過韋蘇州房杭州韋睦州

三使君皆有郡中燕集詩辭章高麗

鄙夫之所仰慕顧生既至留連笑語
因亦成篇以繼三君子之風焉

信州刺史劉 太真 上

寵至乃不驚罪及非無由奔迸歷畏途緬邇赴
偏荒一作陬牧此彫弊疇屬當賦斂秋風興諒無
補旬暇焉敢休前日懷友生獨登城上樓迢迢
西北望遠思不可收今日車騎來曠然銷人憂
晨迎東齋飯晚度南溪遊以我碧流水泊君清
翰舟莫將遷客程不為勝境留飛札謝三守斯
篇希見訓

酬劉侍郎使君

瓊樹凌霜雪葱蒨如芳春英賢雖出守本自玉
階人宿昔陪郎署出入仰清塵孰云俱列郡比
德豈為鄰風雨飄海氣清涼悅心神重門深夏
晝賦詩延衆賓方以歲月舊每蒙君子親繼作
郡齋什遠贈荆山珍一作高閑一作山城庶務理遊眺景
物新朋友亦遠集燕酌在佳辰始唱已慙拙將
酬益難伸濡毫意僂俛一用寫惰勤

硤州旅舍奉懷蘇州韋郎中公頻有尺

思鄉之

今狐

峘上

儒服學從政遂爲塵事嬰銜命東復西孰堪異
鄉情懷祿且懷恩策名敢逃名羨彼農畝人白
首親友并江山入秋氣草木彫晚榮方塘寒露
凝旅館涼颺生懿交守東吳夢想聞頌聲雲水
方浩浩離憂何時平

荅令狐侍郎

一凶迺一吉一是復一非孰能逃斯理亮在識
其微三黜故無愠高賢當庶幾但以親交戀音
容邈難希况惜別離久俱忻藩守歸朝宴方陪

廁山川又乖違吳門冒海霧峽路凌連磯同會
在京國相望涕沾衣明時重英才當復列彤闈
白玉雖塵垢拂拭還光輝

酬張協律

昔人鬻春地今人復一賢屬余藩守日方君卧
病年麗思阻文一作交宴芳蹤闕宿筵經時豈不
懷欲往事屢牽公府適煩倦開緘瑩新篇非將
握中寶何以比其妍感茲棲寓詞想復病瘵纏
空宇風霜交幽居情思綿當以貧非病孰云白
未玄邑中有其人憔悴即我愆由來牧守重英

俊得薦延匪人等鴻毛斯道何由宣遭時無早晚蘊器俟良緣觀文心未衰勿藥疾當痊當自晨期簡牘罷馳慰子忡然

即事奉呈郎中使君

東海釣客試秘書省校書郎秦系

久卧雲間已息機青袍忽著狎鷗飛詩興到來無一事郡中今有謝玄暉

荅秦十四校書

知掩山扉三十秋魚酒翠碧弄牀頭莫道謝公在郡五言今日為君休

荅賓

斜月纔鑿帷凝霜偏冷枕持情須耿耿故作單牀寢

荅鄭騎曹青橘絕句

一作故人重九日求橘書中戲贈

憐君卧病思新橘試摘猶酸亦未黃書後欲題三百顆洞庭須待滿林霜

奉和聖製重陽日賜宴

聖心憂萬國端居在穆清玄功致海晏錫燕表文明恩屬重陽節兩應此時晴寒菊生池苑高樹出宮城捧藻千官處垂戒百王程復觀開元

日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲

言歸一作伯仲亭高性情曠職密交遊稀賦詩

樂無事解帶偃南扉陽春美時澤旭霽望山暉

幽禽響未轉一作好鳥東原綠猶微名雖列仙

爵心已遣一作塵機即事同巖隱聖渥良難違

奉和張大夫戲示青山郎

天生逸世姿竹馬不曾騎覽卷冰將釋接毫露

欲垂金貂傳幾葉玉樹長新枝榮祿何妨早甘

羅亦小兒

荅河南李士巽題香山寺

洛都游宦日少年携手行投杯起芳席總轡振

華纓關塞有佳氣巖開伊水清攀林憇佛寺登

高望都城蹉跎二十載世務各所營茲賞長在

夢故人安得并前歲守九江恩召赴咸京因塗

再登歷山河屬清明寂寞僧侶少蒼茫林木成

墻宇或崩剝不見舊題名舊遊况存歿獨此淡

交橫交橫誰與同書壁貽友生今茲守吳郡綿

思方未平子復經陳迹一感我深情遠蒙慙愴

篇中有金玉聲反覆終難答金玉尚為輕

荅故人見諭

素寡名利心自非磨圓器徒以歲用資屢蒙藩
條寄時風重書札物情敦貨遺機杼十練軍慵
踈百函愧常負交親責且為一官累况本濩落
人歸無置錐地省已知非枉書見深致雖欲
効區區何由枉其志

謝閻貞外陟

寒夜阻良覲叢竹想幽居虎符子已誤金丹子
何如醮集觀農暇笙歌聽訟餘雖蒙一言教自

愧道情踈

逢遇七首

長安遇馮著

客從東方來衣上灞陵雨問客何為來一作何為來

采山因買斧冥冥花正開一作蒲颺颺鷺新乳昨

別今已春鬢絲生幾縷

將發楚州經寶應縣訪李二忽於州館

相遇月夜書事因簡李寶應

孤舟欲夜發祇為訪情人此地忽相遇留連意
更新停杯嗟別久對月言家貧一問臨邛令如

何待上賓

廣陵遇孟九雲卿

雄藩本帝都遊士多俊賢
夾河樹鬱鬱華館千里連
新知雖滿堂中意頗未宣
忽逢翰林友歡樂斗酒前
高文激頽波四海靡不傳
西施且一笑衆女安得妍
明月滿淮海哀鴻逝長天
所念京國遠我來君欲獨一作還一作旋

淮上遇洛陽李主簿

結茅臨古渡卧見長淮流
窻裏人將老門前樹已秋
寒山獨過鴈暮雨遠來舟
日夕逢歸客那

能忘舊遊

路逢崔元二侍御遊馬見招以詩戲贈

一臺稱二妙歸路望行塵
俱是攀龍客空為避馬人
見招翻跼踖相問良殷勤
日日吟趨府彈冠豈有因

逢楊開府

少事武皇帝無賴恃恩私
身作里中橫家藏亡命兒
朝持一作拊樗蒲局暮竊東鄰姬
司隸不敢捕立在登一作白玉墀
驪山風雪夜長楊羽獵時
一字都不識飲酒肆頑癡
武皇升仙去憔悴

被人欺讀書事已晚把筆學題詩兩府始收跡
南宮謬見推非才果不容出守撫婢髮忽逢揚
開府論舊涕俱垂坐客何由識唯有故人知

休假日訪王侍御不遇

九日驅馳一日閑尋君不遇又空還
拈來詩思清人骨門對寒流雪滿山

因省風俗訪道士姪不見題壁

去年澗水今亦流去年杏花今又拆
山人歸來問是誰還是去年行春客

韋蘇州集卷第五

韋蘇州集卷第六

蘇州刺史韋應物

懷思十九首

有所思

借問堤上柳青青為誰春空遊昨日地不見昨
日人繚繞萬家井往來車馬塵莫道無相識要
非心所親

暮相思

朝出自不還暮歸花盡發豈無終日會惜此花
間月空館忽相思微鍾坐來歇

來或作未

夏夜憶盧嵩

靄靄高館暮開軒滌煩襟不知湘雨來蕭灑在
幽林一云不知微蕭炎月得涼夜芳罇誰與斟
故人南北居累月間徽音人生無閑日歡會當
在今反側候天旦層城苦沉沉

春思

野花如雪繞江城坐見年芳憶帝京閭闔曉開
凝碧樹曾陪鴛鴦聽流鶯

春中憶元二

雨歇萬井春柔條已含綠徘徊洛陽陌惆悵杜

陵曲遊絲正高下啼鳥還斷續有酒今不同思
君瑩如玉

懷素友子西

廣陌並遊騎公堂接華襟方歡遽見明永日獨
沉吟階暝流暗駛氣踈露已侵層城湛深夜片
月生幽林往款良未遂來覲曠無音恒當清觴
宴思子玉山岑耿耿何以寫密言空委心

對韓少尹所贈硯有懷

故人謫遐遠留硯寵斯文白水浮香墨清池涵
夏雲念離心已永感物思徒紛未有桂陽使裁

書一報君

月晦憶去年與親友曲水遊讌

晦賞念前歲京國結良儔騎出宣平里飲對曲
池流今朝隔天末空園傷獨遊雨歇林光變塘
綠鳥聲幽凋忙積逋稅華鬢集新秋誰言戀虎
符終當還舊丘

清明日憶諸弟

冷食方多病開襟一忻然終令思故郡煙火滿
晴川杏粥猶堪食榆羹已稍煎唯恨乖親燕坐
度此芳年

池上懷王卿

幽居捐世事佳雨散園芳入門靄已綠水禽鳴
春塘重雲始成夕忽霽尚殘陽輕舟因風泛郡
閣望蒼蒼私燕阻外好臨歡一停觴茲遊無時
盡旭日願相將

立夏日憶京師諸弟

改序念芳辰煩襟倦日永夏木已成陰公門晝
怕靜長風始飄閣疊雲繞吐嶺坐想離居人還
當惜徂景一作光景

曉至園中憶諸弟崔都水

山郭恒悄悄林月亦娟娟景清神已澄一作事
簡慮絕牽秋塘徧衰草曉露洗紅蓮不見心所
愛茲賞豈爲妍

懷琅琊深標二釋子

白雲埋大壑陰崖滴夜泉應居西石室月照山
蒼然

雨夜感懷

微雨灑高林塵埃自蕭散耿耿心未平沉沉夜
方半獨驚長簟冷遽覺愁鬢換誰能當此夕不
有盈襟歎

雲陽館懷谷口

清泚階下流云自谷口源念昔白衣士結廬在
石門道高杳無累景靜得忘言山夕綠陰滿世
移清賞存吏役豈遑暇幽懷復朝昏雲泉非所
濯蘿月不可援長往遂真性暫遊恨卑喧出身
既事世高躅難等論

憶澧上幽居

一來當復去猶此厭樊籠况我林栖子朝服坐
南宮唯獨問啼鳥還如澧水東

重九登滁城樓憶前歲九日歸澧上赴

崔都水及諸弟讌集悽然懷舊

今日重九讌去歲在京師聊迴出省步一赴郊
園期嘉節始云邁周辰已及茲秋山滿清景當
賞屬乖離凋散民里闊摧翳衆木衰樓中一長
嘯惻愴起涼颼

始夏南園思舊里

夏首雲物變雨餘草木繁池荷初帖水林花已
掃園縈叢蝶尚亂依閣鳥猶喧對此殘芳月憶
在漢陵原

登蒲塘驛泐路見泉谷村墅忽想京師

舊居追懷昔年

青山導騎遶春風行旆舒均徯視屬城問疾躬
里閭煙水依泉谷川陸散樵漁忽念故園日復
憶驪山居荏苒斑鬢及夢寢婚官初不覺平生
事咄嗟二紀餘存沒闊已永悲多歡自踈高秩
非爲美闌干淚盈裾

行旅十首

經函谷關

洪河絕山根單軌出其側萬古爲要樞往來何
時息秦皇旣恃險海內被吞食及嗣同覆顛咽

喉莫能塞炎靈詎西駕婁子非經國徒欲扼諸
侯不知恢至德聖朝及天寶豺虎起東北下沉
戰死魂上結窮寃色古今雖共守成敗良可識
藩屏無俊賢金湯獨何力馳車一登眺感慨中
自惻

經武功舊宅

茲邑昔所遊嘉會常在目歷載俄二九始往今
來復感感居人少茫茫野田綠風雨經舊墟毀
垣迷往躅門臨川流駛樹有羈雌宿多累怛悲
往長年覺時速欲去中復留徘徊結心曲一作徘徊

往

往雲門郊居塗上經迴流作

茲晨廼休暇適往田家廬原谷徑塗澁春陽草
木敷纔遵板橋曲復此清澗紆崩壑方見射迴
流忽已舒明滅泛孤景杳靄含夕虛無將爲邑
志一酌澄波餘

乘月過西郊渡

遠山含紫氛春野靄云暮值此歸時月留連西
澗渡謬當文墨會得與羣英遇賞逐亂流翻心
將清景悟行車儼未轉芳草空盈步已舉候亭

火猶愛村原樹還當守故局悵恨乘幽素

晚歸灋川

凌霧朝闔闔落日返清川簪組方暫解臨水一
條然昆弟忻來集童稚滿眼前適意空無事携
手望秋田南嶺橫爽氣高林繞遙阡野廬不鋤
理翳翳起荒煙名秩斯逾分廉退媿不全已想
平門路晨騎復言旋

授衣還田里

公門懸甲今澣濯遂其私晨起懷愴恨野田寒
露時氣收天地廣風淒草木衰山明始重疊川

淺更逶迤煙火生閭里禾黍積東菑終然可樂
業時節一來斯

夕次盱眙縣

落帆逗一作透淮鎮停舫臨孤驛浩浩風起波冥
冥日沉夕人歸山郭暗鴈下蘆洲白獨夜憶秦
關聽鐘未眠客

春月觀省屬城始憇東西林精舍

因時省風俗布惠迨高年建隼出潯陽整駕遊
山川白雲歛晴壑羣峯列遙天欽崎石門狀杳
靄香爐煙榛荒屢曾呈遙側殆覆顛方臻釋氏

廬時物屢華妍曇遠昔經始於茲闕幽玄東西
竹林寺灌注寒澗泉人事既云泯歲月復已綿
殿宇餘丹紺磴閣峭欹懸佳士亦棲息善身絕
塵緣今我蒙朝寄教化敷里鄩道妙苟爲得出
處理無偏心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱
紛衍崎嶇綠碧澗蒼翠踐苔蘚高樹夾潺湲崩
石橫陰巘野杏依寒折餘雲冒嵐淺性愜形豈
勞境殊路遺緬憶昔終南下佳遊亦屢屢時禽

下流暮紛思何由遣

山行積雨歸塗始霽

攬轡窮登降陰雨遽二旬但見白雲合不睹巖
中春急澗豈易揭峻塗良難遵深林猿聲冷沮
洳虎跡新始霽升陽景山水閱清晨雜花積如
霧百卉萋已陳鳴騶屢驤首歸路自忻忻

感嘆三十二首

傷逝

此後數逝哀傷十九首盡同
德精舍舊居傷懷時所作

染白一爲黑焚木盡成灰念我室中人逝去亦
不迴結髮二十載賓敬如始來提携屬時屯契

闊憂患災柔素亮爲表禮章夙所該仕公不及
私百事委令才一旦入閨門四屋滿塵埃斯人
既已矣觸物但傷摧單居移時節泣涕撫嬰孩
知妾謂當遣臨感要難裁夢想忽如睹驚起復
徘徊此心良無已遠屋生蒿萊。

往富平傷懷

晨起凌嚴霜慟哭臨素帷駕言百里塗惻愴復
何爲昨者仕公府屬城常載馳出門無所憂返
室亦熙熙今者掩筠扉但聞童稚悲丈夫須出
入顧爾內無依銜恨已酸骨何況苦寒時單車

路蕭條迴首長透遶飄風忽截野嘹唳鴈起飛
昔時同往路獨往今詎知

出還

昔出喜還家今還獨傷意入室掩無光銜哀寫
虛位悽悽動幽慢寂寂驚寒吹幼女復何知時
來庭下戲咨嗟日復老錯莫身如寄家人勸我
食對按空垂淚。

冬夜

杳杳日云夕鬱結誰爲開單衾自不暖霜霰已
皚皚晚歲淪風志驚鴻感深哀深哀當何爲桃

李忽凋摧幃帳徒自設冥冥豈復來平生雖恩
重遷去託窮埃抱此女曹恨顧非高世才振衣
中夜起河漢尚徘徊

送終

奄忽逾時節日月獲其良蕭蕭車馬悲祖載發
中堂生平同此居一旦異存亡斯須亦何益終
復委山岡行出國南門南望鬱蒼倉日入乃云
造慟哭宿風霜晨遷俯玄廬臨訣但遑遑方當
永潛翳仰視白日光俯仰遽終畢封樹已荒涼
獨留不得還欲去結中腸童稚知所失啼號捉

我裳即事猶蒼卒歲月始難忘

除日

思懷耿如昨季月已云暮忽驚年復新獨恨人
成故冰池始泮綠梅援一作還飄素淑景方轉
延朝朝自難度

對芳樹

迢迢芳園樹列映清池曲對此傷人心還如故
時綠風條灑餘露露葉承新旭佳久不再攀下
有往來躅

月夜

皓月流春城華露積芳草坐念綺窓空翻傷清
景好清景終若斯傷多人自老

歎楊花

空蒙不自定況值暄風度舊賞逐流年新愁忽
盈素纒縈下苑曲稍滿東城路人意有悲歡時
芳獨如故

過昭國里故第

不復見故人一來過故宅物變知景暄心傷覺
時寂池荒野筠合庭綠幽草積風散花意謝鳥
還啼一作山光夕宿昔方同賞詎知今念昔緘室

在東廂遺器不忍觀柔翰全分意芳巾尚染澤
殘工委篁篋餘素經刀尺收此還我家將還復
愁惕永絕携手歡空存舊行迹冥冥獨無語杳
杳將何適唯思今古同時緩傷與戚

夏日

已謂心苦傷如何日方永無人不晝寢獨坐山
中靜悟澹將遣慮學空庶遺境積俗易為侵愁
來復難整

端居感懷

沉沉積素抱婉婉屬之子永日獨無言忽驚振

初起方如在幃室復悟永終已稚子傷恩絕盛
時若流水暄涼同寡趣朗晦俱無理寂性常喻
人滯情今在已空房欲云暮巢鷺亦來止夏木
遽成陰綠苔誰復履感至竟何友幽獨長如此

悲紈扇

非關秋節至詎是恩情改掩嘆人已無委篋涼
空在何言永不發暗使銷光彩

閑齋對雨

幽獨自盈抱陰淡亦連朝空齋對高樹疎雨共
蕭條巢鷺翻泥濕蕙花依砌消端居念往事條

忽苦驚鷺

林園晚霽

雨歇見青山落日照林園山多夕一作煙鳥亂林
清風景翻提携唯子弟蕭散在琴樽同遊不同
意耿耿獨傷魂寂寞鍾已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒
雨滴微風時動牖殘燈尚留壁惆悵平生懷偏
來委今夕

霜露已淒淒星漢復昭回朔風中夜起驚鴻千

里來蕭條涼葉下寂寞清砧哀歲晏仰空宇心
事若寒灰

感夢

歲月轉蕪漫形影長寂寥髮髯覲微夢感嘆起
中宵綿思靄流月驚魂颯迴颯誰念茲夕永坐
今顏鬢凋

同德精舍舊居傷懷

洛京十載別東林訪舊扉山河不可望存沒意
多違時遷跡尚在同去獨來歸還見窓中鴿日
暮遶庭飛

悲故交

白璧衆求瑕素絲易成汗萬里顛沛還高堂已
長暮積憤方盈抱纏哀忽逾度念子從此終黃
泉竟誰訴一爲時事感豈獨平生故唯見荒丘
原野草塗朝露

張彭州前與緱氏馮少府各惠寄一篇
多故未荅張已云沒因追哀叙事兼遠

簡馮生

君昔掌文翰西域復石渠朱衣乘白馬輝光照
里閭余時忝南省接讌媿空虛一別守茲郡蹉

跪歲再除長懷關河表永日簡牘餘郡中有方
塘涼閣對紅蕖金玉蒙遠賦篇詠見吹噓未荅
平生意已沒九原居秋風吹寢門長慟涕漣如
覆視緘中字奄爲昔人書髮鬢已云白交友日
彫踈馮生遠同恨憔悴在田廬

東林精舍見故殿中鄭侍御題詩追舊

書情涕泗橫集因寄呈閩澧州馮少府

仲月景氣佳東林一登歷中有故人詩淒涼在

高壁精思長懸懷一作世音容已歸寂墨澤傳灑

餘磨滅親翰跡平生忽如夢百事皆成昔結驛

京華年揮文篋笥積朝庭重英彥時輩分珪璧
永謝栢梁陪獨闕金門藉方嬰存沒感豈暇林
泉適雨餘山景寒風散花光夕新知雖滿堂故
情誰能覲唯當同時友緘寄空悽感

同李二過亡友鄭子故第李與之故非予所識

客車名未滅沒世恨應長斜月知何照幽林判
自芳故人驚逝水寒雀噪空牆不是平生舊遺

蹤要可傷

話舊亭中對兒婦話蘭陵崇賢

存亡三十載事過悉成空不惜霑衣淚併話一

宵中

至開化里壽春公故宅

寧知府中吏故宅一徘徊歷階存往敬瞻位泣
餘哀廢井沒荒草陰牖生綠苔門前車馬散非
復昔時來

睢陽感懷

豺虎犯天綱昇平無內備長驅陰山卒略踐三
河地張侯本忠烈濟世有深智堅壁梁宋間遠
籌吳楚利窮年方絕輸鄰州援皆携貳使者哭其
庭救兵終不至重圍雖可越藩翰諒難奔飢喉

待危難懸命中路墜甘從鋒刃斃莫奪堅貞志
宿將降賊庭儒生獨全義空城唯白骨同往無
賤貴哀哉豈獨今千載當歎歎

廣德中洛陽作

生長太平日不知太平歡今還洛陽中感此方
苦酸飲藥本攻病毒腸翻自殘王師涉河洛玉
石俱不完時節屢遷斥山河長鬱鬱蕭條孤煙
絕日入空城寒寒劣乏高步緝遺守微官西懷
咸陽道躑躅心不安

閭門懷古

獨鳥下高樹遙知吳苑園淒涼千古事日暮倚
閭門

感事

霜雪皎素絲何意墜墨池青蒼猶可濯黑色不
可移女工再三嘆委弃當此時歲寒雖無褐機
杼誰肯施

感鏡

鑄鏡廣陵市菱花匣中發宿昔嘗許人鏡成人
已沒如冰結圓器類璧無絲髮形影終不臨清
光殊不歇一感平生言松枝樹秋月

歎白髮

還同一葉落對此孤鏡曉絲縷乍難分楊花復
相遶時役人易衰吾年白猶少

韋蘇州集卷第六

